



**H**ermānus Coppe multis uirtutibus insignis fuit. Itaq; cum Suerinensis Episcopatus uacaret, eius Ecclesię Episcopus omnium suffragio electus fuit. Eam uocationē ipse magno animo suscepit, & summa laude diu administrauit. Cum enim Ecclesię prædia antecessorū fastu iam dudum essent ab alienata, ipse eadem magna solertia redemit, & Episcopatum plurimū illustrauit. Eo tempore diuturnum bellum erat inter Ericum Danorum regem, atq; duces Slesuicenses & Holsatię comites. præterea inter Vuilhelmum Brunswicēsem ducem, & Bremensem Archiepiscopum. Verūm Hermannus in ea difficultate suam ditionem paci-

ficē administrauit, atq; sua prudentia inter dissidentes pacem componere laborauit. Hinc factum ut apud omnes in magna authoritate extiterit.